

Alþingi
Erindi nr. P 140/147
komudagur 14.11.2011



LJÓSMÆÐRAFÉLAG ÍSLANDS
(The Icelandic Midwives' Association)
Stofnað árið 1919

Nefndasvið Alþingis,
Austurstræti 8-10,
150 Reykjavík.

Reykjavík 11.11.2011

Efni: Umsögn um tillögu til þingsályktunar um staðgöngumæðrun (heimild til staðgöngumæðrunar), 4. mál.

Ljósmeðrafélag Íslands (LMFÍ) vísar til erindis frá Velferðarnefnd Alþingis þar sem leitað er eftir umsögn félagsins um ofangreinda tillögu. Stjórn LMFÍ telur að hér sé um að ræða vandmeðfarið og umdeilt mál sem vekur upp siðferðilegar, læknisfræðilegar og lagalegar spurningar. Sé horft til meðgöngunnar þá hefur það tímabil djúpstæð áhrif á konuna/parið sem gengur í gegnum það ferli. Meðganga er ekki einvörðungu tímabil líkamlegra og lífeðlisfræðilegra breytinga heldur aðlögunar og undirbúningstími fyrir fæðingu barns og stofnun fjölskyldu. Vert er að benda á að rannsóknir eru af skornum skammti þar sem áhrif fullrar staðgöngumæðrunar hafa verið skoðuð. Stjórn LMFÍ telur mikilvægt að öll framvinda þessa máls taki mið af bestu þekkingu sem til er á hverjum tíma um efnið. Athygli hefur verið beint að fjölmörgum atriðum af hinum ýmsu umsagnaraðilum en nokkur atriði þarf að skoða frekar;

- Hvernig verður tekið á því ef hlutaðeigandi skiptir um skoðun á miðjum meðgöngutíma?
- Hvernig verður tekið á því ef fósturgalli greinist á meðgöngu? Hver hefur heimild til að taka ákvörðun um áframhald meðgöngunnar/fóstureyðingu?
- Hver ber kostnað af mögulegum skaða/veikindum staðgöngumóður á meðgöngu eða til lengri tíma hafi veikindin tengst meðgöngunni?

Stjórn félagsins hvetur til varðúðar í þessu ferli. Enn er óljóst hve markhópurinn sem vísað er til er stór. Það er álit stjórnar að vanda þurfi mjög undirbúning lagasetningar um þetta viðkvæma mál sem snertir þætti eins og réttindi barna, kvenna og foreldra, og lýsir félagið sig reiðubúið til að koma að þeirri umræðu verði þess óskað.

F.h. stjórnar Ljósmeðrafélags Íslands,

Guðrún J. Gunnlaugsd.
Guðrún I. Gunnlaugsdóttir, varaformaður.